



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tyrocinium Theologicum

Francolini, Baldassare

Herbipoli, 1710

§. 2. De Locus Theologicis.

urn:nbn:de:hbz:466:1-39295

60. *Tyrcinii Theologici*
stico tractantur ordinatissimè non
coacervando videlicet, ut fiebat
olim, à multis multas circa idem pro-
positum sententias, idque ipsum ver-
bis sàpè impropriis, & oratoriè magis
quàm scholasticè productis, sed pro-
ponendo clarè ac disertè sententiam
suam, eámque validis argumentis
stabiliendo ac demùm ea quæ ab ad-
versæ sententiæ propugnatoribus pro-
feruntur, aut proferri possunt, convellendo. Hac methodo D. Tho-
mas, aliquique pauciante ipsum, omnes
post ipsum Theologicas quæstiones
agitârunt.

§. II.

De Locis Theologicis.

Disc.

AT unde pétitis hæc argu-
menta quibus vestram
sententiam Theologi
Scholastici confirmatis?

7. *Mag.* Petimus ex Scripturis, ex
Traditione, ex Conciliis, ex Ponti-
ficum definitionibus, ex Patribus, ex
ratione ipsa.

Pri-

Primus locus Theologicus, Scriptura
Sacra

8. **D**E hoc satis actum est suprà.
Nunc addo hoc tantùm: ex
Scripturis in sensu litterali acceptis
erūi aut unicè, aut maximè Theolo-
gicum argumentum.

Secundus locus Theologicus, Traditio
Divina.

9. **N**omine Traditionis significa-
mus hic Doctrinam Sacram
non scriptam, sed vivâ voce, quasi de
aure in aurem successivè traditam,
quæ alia est Divina, alia Apostolica,
alia Ecclesiastica, nempe alia profecta
àb ipso Deo docente, alia ab Aposto-
lis, alia ab Ecclesiaz, quæ rursùs alia est
de Fide, alia de moribus, alia univer-
salis pro tota Ecclesia, alia particula-
ris pro Ecclesia particulari. Traditio
Divina est, e. g. doctrina, quam ha-
bemus de perpetua Deiparæ virgi-
nitate, de non rebaptizandis Hæreti-
cis, de invocatione Sanctorum, de

C 7

Sacra-

Sacrarum imaginum cultu de Septenario Sacramentorum numero Hæc enim in Scripturis non continentur, sunt tamen Fidei doctrina, non igitur doctrina scripta est, sed tradita, igitur traditiones sunt.

10. Traditio Apostolica alia est Apostolica Divina, quæ est ab Apostolis, ut Christi præconibus, seu nomine Christi loquentibus, quam videlicet ipse Christus immediate docuit Apostolos, & hi Ecclesiam, ut sunt prædictæ, & aliæ multæ ante, & post Resurrectionem Apostolis consignatæ: Alia est purè Apostolica, quæ est ab Apostolis, ut Ecclesiæ pastoribus, ac proinde non descendit à Christo, sed ab ipsis Apostolis, assistente tamen Spiritu Sancto. Hujusmodi sunt quatuor Temporum institutio, Chris matis renovatio annis singulis facienda &c. De primi generis traditionibus, vel etiam de utriusque loquitur Apostolus 2. ad Thessalon. c. 2. v. 15. *State, & tenete traditiones, quas didi-*

*didicistis, sive per Sermonem, id est, vi-
vâ voce, sive per epistolam, id est, scri-
pto.*

11. Traditio Ecclesiastica est illa,
quæ nec à Christo, nec ab Apostolis,
sed postea ab Ecclesiæ Prælatis, vel
à populis, Prælatis consentientibus,
introducta est, & tandem per modum
legis, vel consuetudinis communiter
recepta, & ad nos usque delata. ut
est solemnitas & observatio quorum-
dam festorum; jejunium in pervigiliis
aliquorum Sanctorum; abstinentia à
carnibus die Veneris, vel Sabbathi;
antiquus Candelarum, Cinerum, Pal-
marum, & similiūm benedictionis usus,
aliæque hujusmodi.

12. *Disc.* At unde cognoscam,
aliquam traditionem esse Divinam,
vel purè Apostolicam vel Ecclesiasti-
cam?

Mag. Ex communi Patrum consen-
su, vel Ecclesiæ definitione. Ex hoc
cap. est traditio Divina, perpetua B.
Mariæ Virginitas. Rursùs ex eo,
quod

quod materia auctoritatem humana-
nam excedat. ut quæ pertinent ad nu-
merum , vel substantiam Sacramento-
rum. Distingues Apostolicam ab
Ecclesiastica ex eo , quòd non constet
de illius initio ; jam enim incepit cum
Ecclesia , & vel est apostolica Divina ,
vel purè Apostolica , ut quòd aqua
miscenda sit Calici. *Quod Universa-
renet Ecclesia* (inquit S. August. lib. I.
contra Donat. cap. 24) nec Conciliis
institutum , sed semper retentum , non ni-
si Auctoritate Apostolicâ traditum , rectif-
simè creditur.

13. *Disc.* Admittuntne Hæretici
traditiones saltem divinas, quas dixi-
sti esse doctrinam Dei non scriptam ?

Mag. Nequaquam : Sed errant
manifestè. Nam admittunt Scriptu-
ras , ergo admittere necessariò de-
bent traditiones , tum quia quòd ex-
tent Scripturæ Divinæ , quòd nem-
pe hi libri sint Scriptura Divina ab
initio à Deo inspirata , & dictata ,
antequām ab Ecclesia definiretur ;
ex so-

ex sola traditione habebatur, tum quia ipsa Sacra Scriptura docet esse aliquas traditiones, easque esse admittendas. Hinc. I. Deuter. cap. 32. v. 7. *Interroga patrem tuum, & annunciatibit tibi; Majores tuos, & dicent tibi.* Et Paulus 2. ad Thessal cap. 2. v. 15. *Tenete traditiones, quas didicistis, sive per Sermonem, sive per Epistolam nostram.* Et 2. ad Timoth. cap. 2. v. 1. *Tu ergo fili mi... quæ audisti à me per multos testes, hæc commendat Fidelibus hominibus, qui idonei erunt & alios doceare.* Rursus admittunt Patres, præsertim antiquiores; At hi manifestè docent, esse in Ecclesia traditiones, quæ sunt ab omnibus admittendæ. Horum loca reperies apud omnes Controversiarum Fidei Scriptores. Tandem credere debent Conciliis, quæ hujusmodi traditiones statuunt, ut facit Nicænum secundum act. 7. in fine, Concilium VIII. pariter generale act. 8. Tridentinum sess. 4. Ex hoc ergo optimum argumentum petit Theologus.

Ter-

14 **T**ertium Caput diximus esse Concilia : hæc autem sunt aut Generalia, aut Nationalia , aut Provincialia, aut Diæcesana. Generale , seu universale est , quod à Papa totius Ecclesiæ Prælatos tam Patriarchas, quam Archiepiscopos , & Episcopos vocante , congregatur. Nationale est , quod à Primate , omnes suæ Primiæ , vel à Legato Pontificis omnes alicujus Nationis Episcopos , & Archiepiscopos convocante , congregatur. Provinciale est quod congregatur ab Archiepiscopo omnes suæ Provinciæ suffraganeos convocante,

15. His sacris Conventibus interesse debent omnes Episcopi vel provinciæ , vel Nationis , vel Ecclesiæ universæ , & alii qui jurisdictionem Episcopalem obtinent , ut sunt aliqui Abbates , & Priors , & quicunque alias jure , vel consuetudine interesse solent , nisi obstat itineris
gra-

grave Periculum. Abbates, Com-
mendatarii, & Capitulorum depu-
tati obtinent vocem duntaxat con-
sultivam uti etiam Laici, qui justas
ob causas admitti possunt. Episco-
porum verò absentium Procurato-
res possunt habere etiam votum deci-
sivum, si Concilio visum fuerit. De-
creta non debent inconsulto Roma-
no Pontifice publicari, & ad eorum
observationem obligantur omnes,
qui Episcopali jurisdictioni subdun-
tur, & etiam exempti in aliquibus
casibus. Diæcesanum denique est
quod ab Episcopo suæ Diæcessis Cle-
rum convocante congregatur.

16. *Disc.* Estne idem Concilium
Generale, & Oecumenicum?

Mag. Est idem Grammaticaliter,
nam Oecumenicum secundum vocis
institutionem idem est ac universale,
at non est idem canonice, & in accep-
tione eruditorum : nam Oecume-
nicum dicitur illud quod est ita uni-
veriale, ut sit etiam legitimum.

Disc.

17 Disc. Quid requiritur ut sit
legitimum?

Mag. Requiritur 1. quod vel à Romano Pontifice , vel cum ejus assensu convocetur , aut faltem ab ipso ejus convocatio rata habeatur. 2. ut convocentur ex Orbe Christiano quantum fieri potest , omnes Episcopi , sic ut nullus ex Episcopis qui Diaconem habent , positivè excludatur , nisi per Excommunicationem ab Ecclesia segregatus fuerit. Sufficit autem absolutè ad integratatem Concilii , ut saltem ex potioribus Orbis Christiani partibus Episcopi aliqui adveniant , qui possunt ex Pontificis assensu cæterorum vices & vota supplere , ut docet Suar. hic disp. II. sect. 2. num. 7. Obtinuit etiam consuetudo , ut advocentur Cardinales , Generales Ordinum , & nonnulli Abbates , qui omnes cum Episcopis exercent munus Judicis , & suffragium habent decisivum , ideoque cum illis signant *definiens subscripti*.

Alii

Alii verò Theologi , qui advocantur ut Consultores , tantum signant , *Consentiens subscripti.* Adsunt etiam plerumque aut Imperatores , Regesque , aut eorum Legati , sed ut testes tantum , & Concilii defensores . Requiritur 3. ut vel per se , vel per suos Legatos Pontifex Concilio præsideat , vel accedente ejus approbatione hic defectus postea suppleatur , ut in Concilio Generali secundo , & quinto factum constat ?

18. *Disc.* Estne infallibilis Concilii Generalis à Romano Pontifice congregati definitio ?

Mag. Resp. affirmativè , si à Pontifice approbetur , vel saltem nisi Patres Concilii Legatis Pontificiis repugnant , neque ipsi Legati contradicant mandato , & Instructioni , quam à Pontifice privatim acceperunt , ut Bellarminus , hic , & alii communiter . Hic tamen adverte , quod si Concilium Generale congregatur pro aliqua necessitate Ecclesiæ , sede vacante , aut viven-

vivente tantum dubio Pontifice, erit infallibile in iis, quæ requiruntur, ut præsenti necessitatibus subveniatur: alioquin non satis prospexit Christus suæ Ecclesiæ gubernationi, nec suppteret ratio tollendi schismatis contumacis.

Disc. Quot sunt isthac Concilia Oecumenica hactenus celebrata?

Concilia Oecumenica.

19. *Mag.* IN hoc non conveniunt omnes: numerari tamen solent octodecim. Primum est Nicænum I. Patrum 318. Nicææ in Bythinia celebratum à Sylvestro Papa, sub Constantino Imperatore, anno 325. contra Arium, qui Verbi Divini Divinitatem negabat.

20. Secundum est Constantinopolitanum I. Catholicorum Episcoporum 150. à Theodosio seniore ex mandato Damasi Pontificis congregatum anno 381. ad fidem Concilii Nicæni magis stabiliendam, & ad firmandam

mandam Spiritū Sancti Divinitatem contra Macedonium.

21. Tertium est Ephesinum I. plus quam ducentorum Episcoporum, auctoritate Cœlestini Papæ, & operâ Theodosii Junioris convocatum Ephesi anno 430. contra Nestorium Episcopum Constantinopolit. qui Christum in duas personas dividebat, unam quidem Deum ex Patre, alteram purum hominem ex Matre, quam proinde Deiparam vocari noluit.

22. Quartum est Chalcedonense 630. Episcoporum sub Leone I. Papa anno 451. celebratum contra hæresin Eutychetis, & Dioscori, qui unam tantum esse in Christo naturam assertabant.

23. Quintum est Constantinop. II. Episcoporum 255. anno 553. convocatum à Justiniano Imper. annuente Vigilio Papa. Damnavit hæc Synodus Origenem, & tria Capitula, nempe doctrinam, & personam Theodori

dori Mopsuesteni, Epistolam Ibæ Episcopi Edesseni, & scripta Theodoreti Cyrensis Antistitis contra S. Cyrillum, in quibus hæresis Nestorianæ continebatur.

24. Sextum est Constantinopolitanum III. Episcoporum 289. auctoritate Agathonis Papæ à Constantino Pogonato convocatum anno 680. contra Monothelitas, qui auctori- bus Theodoro Pharanitano Episco- po, Sergio Patriarcha Constantinop. & Cyro Patriarcha Alexandrino di- cebant, quod *sicut in Christo unus est operator, & una persona volens, ita est una sola voluntas & una operatio.*

25. Septimum est Nicænum II. Episcoporum 350. à Constantino Imperat. & Irene ejus Matre con- sensu Adriani I. Papæ congregatum contra Iconomachos anno 787.

26. Octavum est Constantinop. IV. Episcoporum 383. vel ut dicunt alii, 120. in causa Photii per vim intrusi in Patriarchatum Constanti- nop.

nop. convocatum fuit anno 869.
mandante Adriano II. Papa , operâ
Basilii Imper. Hæc in Oriente celebra-
ta fuere : sequentia in Occidente.

27. Nonum est Concilium Late-
ranense I. Patrum sive Episcoporum ,
sive Abbatum ferè mille , hoc est 997.
convocatum, & celebratum an. 1122.
in Basilica Lateranensi à Callisto II.
Rom. Pontif. ad confirmanda Con-
ventūs Vormatiensis concordata in-
ter prædictum Callistum , & Henri-
cum V. circa Beneficiorum collatio-
nem , & ad procuranda subsidia con-
tra Saracenos pro recuperanda Terra
Sancta.

28. Decimum est Lateranense II.
Episcoporum ferè mille convocante
& præsidente Innocentio II. celebra-
tum pariter in Lateran. Basilica. an.
1139. contra Anacletum , & ejus suc-
cessorem Victorem , Antipapas , &
contra Petrum de Bruis , ejusque di-
scipulum Arnaldum Brixensem , asse-
rentes inter alia , Baptismum nihil

D pro-

prodeesse parvulis, Templa esse destruenda, &c.

29. Undecimum est Lateranense III. Episcoporum amplius 300. post extinctum schisma trium Pseudopontificum Victoris IV. Paschalis III. & Callisti III. an. 1179. ab Alexander III. convocatum 1. ad damnandos Schismaticos, & providendum, ne simili imposterum schismate vexaretur Ecclesia. 2. ad restituendam Ecclesiasticam disciplinam. 3. ad damnandas tunc in Occitania & Aquitania Catharos, Waldenses, & Albigenses, quorum errores vide infra.

30. Duodecimum est Lateranense IV. ab Innocentio III. convocatum ann. 1215. Interfuere Patres 1285. nempe Pontifex ipse, Patriarchæ Constantinopolitanus, & Hierosolymitanus, Archiepiscopi 70. Episcopi 400. Abbates 12. Piores, Decani, vel Praepositi Conventuales 800. cum utriusque Imperii Orientalis, & Occi-

Occidentalis, Regumque Jerosolymorum, Franciae, Hispaniae, Angliae, Hungariae, Siciliae, Cypri, aliorumque Principum, & Civitatum Legatis. In hoc iterum damnati Albigenses, damnatus libellus Abbatis Joachim contra Petrum Lombardum de Unitate SS. Trinitatis; damnata quoq; peruersa dogmata Almarici Parisiensis Doctoris, qui docuerat nec Paradisum, nec Infernum extare, nec Christi corpus esse in Sacramento, &c.

31. Decimum tertium est Lugdunense I. Episcoporum. 140. convocatum anno 1245. ab Innocentio IV. causa Friderici Imperatoris deponendi, & expeditionis suscipienda in terram Sanctam.

32 Decimum quartum est Lugdunense II. Patrum feremille, convocatum anno 1294 à Gregorio X. pro recuperatione Terrae Sanctae, & contra errores Græcorum, quorum unio cum Latinis facta est, maximè operâ S. Bonaventuræ.

D 2

33. De-

33. Decimum quintum est Vien-nense in Gallia . Episcoporum 300. & amplius convocatum an. 1311. à Clemente V. ad damnandos errores Beguardorum , & Beguinarum persi-miles erroribus Quietistarum nostri temporis , & ad extinguendum Tem-plariorum Ordinem.

34. Decimum sextum est Floren-tinum rogatu Joannis Paleologi Græ-corum Imperatoris qui Concilio interfuit ab Eugenio IV. convocato contra errores Græcorum an. 1438.

35. Decimum septimum est Late-ranense V. anno 1512. inchoatum sub Julio II. ad tollendum schisma Conciliabuli Pisani , & à Leone X. abisolutum.

36. Decimum octavum , & ultimum est Tridentinum cœptum ann. 1545. sub Paulo III. contra Luthe-ranam, aliásque hæreses, continuatum sub Julio III. tandem sub Pio IV. feliciter absolutum , & ab eodem con-firmatum anno 1563.

37. Hæc

37. Hæc sunt Concilia Generalia penitus approbata, adeoque Oecumenica.

Disc. Suntne alia reprobata, aut non penitus approbata, & legitima?

Mag. Sunt utique septem Generalia illegitima, & reprobata, & alia sex partim approbata, partim reprobata.

Concilia Generalia reprobata.

38 PRIMUM ILLEGITIMUM, & reprobatum est Antiochenum 90. & amplius Episcoporum convocatum anno 341. à Constantino Imperatore, in quo ab Arrianis damnatus est S. Athanasius, & via patefacta ad eversionem Concilii Nicæni I. per quatuor subdolas Fidei formulas.

39. SECUNDUM REPROBATUM est Mediolanense plusquam 300. Episcoporum, convocatum quidem à Libero Papa anno 355. adeoque legitimè inchoatum, sed postea illegitimè celebratum coactis per vim Patribus

D 3 à Con-

à Constantio Imperatore damnationi S. Athanasii subscribere.

40. Tertium reprobatum est Ariminense 600. Episcoporum, pariter sub Constantio anno 372. Ita Bellarminus, sed Baronius, aliique duo Ariminensia distinguunt, legitimum unum, in quo Fides Nicæna confirmata fuit; alterum illegitimum, in quo fraude Arrianorum etiam Episcopi Catholici subscrpsere formulæ Fidei ambiguæ, in qua vox *homousios* omissa est.

41. Quartum reprobatum est Ephelinum II. Episcoporum 128. ab Imperatore Theodosio anno 449, convocatum, in quo omnia vi, & minis acta fuerunt, Eutiches absolutus, occisus Flavianus Episcopus Constantinopol. unde prædatoria Synodus, & Latrocinium appellatum fuit.

42. Quintum reprobatum est Constantinopolitanum tempore Leonis Isaurici Iconomachi ann. 730.

CON-

contra Sacras Imagines convocatum.
Quanquam hoc malè numeratur in-
ter Generalia, sicut & duo sequentia.

43. Sextum reprobatum est Con-
stantinopolitanum pseudoseptimum
dictum, Episcoporum Iconomacho-
rum 338. ann. 754. sub Copronymo
ad tollendum cultum sacrarum ima-
ginum.

44. Septimum reprobatum est Pi-
sanum à quibusdam Cardinalibus
contra Julium II. convocatum.

*Partim autem approbata, partim
reprobata fuere sequentia.*

45. PRimum Sardicense anno 347.
sed Card. Baronius, & alii,
duo fuisse dicunt hoc nomine nun-
cupata: unum verè Sardicense, &
legitimum à 300. & amplius Caþho-
licis Episcopis celebratum. Aliud
verò spurium ab 80. circiter Episco-
pis Arrianis eodem tempore in vici-
nia, scilicet Philippopoli habitum.

46. Secundum Sirmiense anno
356. vel 351. ut vult Petavius, in

D 4

quo

quo fuit bene damnatus Photinus
hæreticus, sed edita non satis sana
Fidei formula ab Episcopis Arianis.

47. Tertium Constantinopolitanum quiniseptum in Trullo celebratum ann. 692. inscio Rom. Pontifice. Hujus tamen aliquot Canones, quia sanæ doctrinæ erant, fuerunt à Catholicis recepti. Dictum est quiniseptum, quia Patres per Canones quos condidere, voluerunt supplerre defectum (ut dicebant) quinti & sexti Concilii præcedentis, quæ duo non fecerant Canones, ut quatuor priora fecerant.

48. Quartum Francofordiense 300. circiter Episcoporum anno 794. in quo, quæ de filiatione Christi naturali definita fuere, sine dubio ab Ecclesia sunt approbata, non verò quod damnârit (quod aliqui factum negant) acta Nicæni II. circa cultum Imaginum.

49. Quintum Pisanum, non illud quod Pisis celebravit anno 1134.
Inn-

Innocentius II. contra Petrum Leonis Antipapam dictum Anacletum II. nec illud, quod anno 1511. contra Julianum II. indixere aliqui Cardinales, sed aliud celebratum anno 1409. pro tollendo schismate. Cum enim Petrus de Luna dictus Benedictus XIII. & Angelus Corarius vocatus Gregorius XII. diu de supremo Pontificatu contenderent, nec vellent cedere pro bono pacis, ut in sua electione promiserant, nec alia superesset schismatis extinguendi ratio, Cardinales utriusque partis Pisas converunt numero 23. cum tribus Patriarchis, Archiepiscopis, & Episcopis 300. Monasteriorum Præfectis 180. aliisque Theologis multis, & Principum Europæ Legatis & prædictos duos Pontifices à Pontificatu dejecterunt. Hoc illegitimum vocant alii, alii legitimum. Certe inter veros Pontifices numaratur Alexander V. ab eo electus.

50. Sextum Constantiense anno
D 5 1414.

1414. causâ prædicti schismatis adhuc durantis, & contra Wicleffitarum, & Hussitarum hæreses à Joanne XXIII. Alexandri V. successore convocatum rogatu Sigismundi Imperatoris. In hoc Concilio prædictæ hæreses damnatæ fuere, celsere Pontificatu Joannes XXIII. & Gregorius XII. fuitque è Pontificatu dejectus Benedictus XIII qui cedere sponte noluerat. Tandem fuit electus Martinus V. qui approbavit acta contra errores Wicleffi & aliorum, non vero quod sess. 4. & 5. decretum fuerat de potestate Concilii supra Pontificem.

51. Septimum Basileense à Martino V. indictum, sed sub Eugenio IV. successore inchoatum anno 1431. & ab eodem postea dissolutum, adhuc tamen à Patribus continuatum. Hujus Concilii quædam acta pertinencia ad Beneficia Ecclesiastica, & Censuras confirmavit studio pacis Nicolaus V. Eugenii successor, non vero de-

decreta de Concilii supra Pontificem
authoritate.

Ex his habes, ex quibus Conciliis
possit, ex quibus non possit Theolo-
gus validum argumentum petere.

52. *Disc.* Validumne illud est, quod
ex Conciliis particularibus petitur?

Mag. Concilia quidem particularia,
seu Nationalia sint, seu Provincialia,
non sunt infallibilis authoritatis, er-
raruntque aliquando. Sic erravit Car-
thaginense Concilium sub Cypriano,
quod Nationale fuit, & Episcoporum
81, quorum plerique in quæstione Fi-
dei fortiter se gesserant, ut hic notat
Cardinalis Bellarminus. Horum ta-
men particularium Conciliorum de-
creta firma sunt, dum aliquid etiam
circa Fidem definiunt, si id faciant ex
commissione, seu instructione Aposto-
licæ Sedis, ut fecerunt Patres Conci-
lli Arausicaní secundi, & Toletani pri-
mi, tempore Leonis I. & Synodi Com-
plutensis, tempore Sixti IV. & multò

D 6

ma-

magis, si decisionem suam mittant ad Suimum Pontificem, & ab eo confirmetur; quomodo factum esse in Conciliis Milevitano, & Carthaginensi, constat ex S. Aug. epist. 90. 91. & 92.

Quamvis autem Concilia particula-
ria sint ex se fallibilia, adhuc tamen fa-
ciunt argumentum adeò probabile,
ut temerarium sit ei non acquiescere,
si præsertim ex illis sint, quæ videntur
ipso usu Ecclesiæ quodammodo proba-
ta, ut Toletana, Bracharensia, Arela-
tensia, Hispalensia, &c. Igitur ex his
quoque validum argumentum petet
Theologus quamvis non ita validum,
ut ex Conciliis Oecumenicis.

*Quartus Locus Theologicus, Romanorum
Pontificum definitiones.*

53. **Q**uartum caput diximus esse
Summorum Pontificum de-
finitiones. Ut autem horum autho-
ritatem rectè aestimes, moneo prīmò:
Petrum inter Apostolos jure Divino
fuisse post Christi in cœlum ascensum
visi-

visible Ecclesiæ Caput & Principem ,
& eodem jure post Petri mortem tales
fuisse, esse, & fore usque ad finem mun-
di Petri successores Romanos Pontifi-
ces.

54. Primum patet ex eo, quod so-
li Petro dixit Christus Matth. 16. Tu
es Petrus, & super hanc Petram ædificabo
Ecclesiam meam, & portæ inferi non præ-
valebunt adversus eam, & tibi dabo cla-
ves Regni cœlorum ; eique soli dixit
post resurrectionem , Joan. 21. Pasce
agnos meos, pasce oves meas. Et quoties
in Evangelio recensentur Apostoli ,
Petrus ponitur primo loco. Soli Pe-
tro facta est prima revelatio Divinita-
tis Christi. Soli Petro à Christo pro-
missa est stabilitas Fidei & Cathedræ.
Petro inter Apostolos primùm appa-
ruit Christus post resurrectionem. Pe-
trus suâ authoritate alios congregavit
ad eligendum , qui Judæ succederet
in Apostolatu. Primus post Spiritū
Sancti adventum Evangelium prædi-
cavit Judæis. Primum miraculum idem

D 7

apud

apud Judæos fecit in Evangelii confirmationem. Primus in Concilio pro legalium cessatione sententiam dixit: Accedit consensus Patrum hunc Petri in Ecclesia Primum prædicantium, ut videre potes apud Bellarminum, & alios

55. Alterum verò probatur i. quia Christus tradens Petro authoritatem, & formam regendi Ecclesiam, traxit illam, ut perpetuò duraturam, adeoque ut transmittendam in successores. Hinc Patres semper habuere Romanos Pontifices, ut Petri in Primum Successores. Quare S. Hieronymus epist. 67. ad Damasum scribens, *Beatitudini tuae, id est, Cathedra Petri communione confocior.* S. Augustinus epist. 163. *In Romana Ecclesia semper Apostolicae Cathedrae viguit Principatus.* Et in Concilio Chalcedonensi Patres unani-
voce clamârunt: *Petrus per Leonem locutus est.* & S. Bernardus lib. 2. de considerat. ad Eugenium: *Tu Princeps Episcoporum, Tu potestate Petrus, nec modo ovium,*

evium, sed & Pastorum omnium Tu unus Pastor. Alii in partem sollicitudinis, tu in plenitudinem potestatis vocatus es. Et in hoc sensu vocatur Pontifex Romanus universalis Episcopus, quatenus universæ Ecclesiæ curam gerit, non quatenus præter ipsum non sit alias Episcopos. Hinc demum fuit semper ab universis Orbis terrarum Ecclesiis, Fidelium, ipsorumque Episcoporum ad Romanum Pontificem recursus, ut ad supremum & universalem Pastorem.

56. His moti Patres Concilii Florentini, ex Græcis & Latinis conflati magno consensu sic definierunt P. 2. collat 22. *Definimus Sanctam Apostolicam Sedem, & Romanum Pontificem successorem esse B. Petri, Verticis Apostolorum, & verum Christi Vicarium, & totius Ecclesiæ Caput, & omnium Christianorum Patrem & Doctorem existere, & in universum Orbem tenere Primatum, ei que in B. Petro pascendi, regendi, & gubernandi universalem Ecclesiam à Domino nostro*

nostro IESU Christo plenam potestatem traditam esse.

57. Petri autem Successores fuere hactenus, nempe usque ad hunc præsentem annum 1710. ducenti quadraginta sex, quorum hic seriem subtexam designando annum, quo ad Pontificatum electi fuere.

S. Linus	67
S. Cletus	78
S. Clemens	91
S. Anacletus	101
S. Evaristus	110
S. Alexander	119
S. Sixtus	130
S. Telesphorus	140
S. Hyginus	152
S. Pius	156
S. Anicetus	165
S. Soter	173
S. Eleutherius	177
S. Victor	192
S. Zephyrinus	201
S. Callistus	219
S. Urbanus	224
S. Pon-	

S. Pontianus	231
S. Anterus	235
S. Fabianus	236
S. Cornelius	251
S. Lucius	253
S. Stephanus	255
S. Sixtus II.	257
S. Dionysius	258
S. Felix	270
S. Eutychianus	275
S. Cajus	283
S. Marcellinus	296
S. Marcellus	304
S. Fusebius	309
S. Melchiades	311
S. Silvester	314
S. Marcus	336
S. Julius	337
S. Liberius	352
S. Felix II.	355
S. Damasus	367
S. Siricius	385
S. Anastasius	398
S. Innocentius	402
S. Zosimus	417
	S. Bo-

S. Bonifacius	418
S. Cœlestinus	425
S. Sixtus III.	432
S. Leo Magnus	440
S. Hilarius	461
S. Simplicius	467
S. Felix III.	483
S. Gelasius	492
S. Anastasius II.	496
S. Symmachus	498
S. Hormisdas	514
S. Joannes I.	523
S. Felix IV.	526
Bonifacius II.	529
S. Joannes II.	532
S. Agapetus	535
S. Silverius	536
Vigilius	537
Pelagius	555
Joannes III.	561
Benedictus	575
Pelagius II.	579
S. Gregorius Magnus	590
Sabinianus	604
Bonifacius III.	607
S. Bo-	

S. Bonifacius IV,	608
S. Deusdedit	616
Bonifacius V.	620
Honorius I.	626
Severinus	640
Joannes IV.	640
Theodorus I.	642
S. Martinus	649
S. Eugenius	654
S. Vitalianus	657
Adeodatus	672
Donus	677
S. Agatho	679
S. Leo II.	682
S. Benedictus II.	685
Joannes V,	686
Conon	687
S. Sergius	688
Joannes VI.	702
Joannes VII.	705
Sisinnius	707
Constantinus	708
S. Gregorius II.	715
S. Gregorius III.	731
S. Zacharias	741

Ste-

Stephanus II.	752
Stephan. III.	752
S. Paulus	757
Stephanus IV.	768
Hadrianus	772
Leo I. I.	795
Stephanus V.	816
S. Paschalis.	817
Eugenius II.	824
Valentinus	827
Gregorius IV.	828
Sergius II.	844
S. Leo IV.	847
Benedictus III.	855
S. Nicolaus	858
Hadrianus II.	867
Joannes VIII.	872
Marinus	882
Hadrianus IV.	884
Stephanus VI.	885
Formosus	891
Bonifacius VI.	896
<i>Baronius non numerat hunc inter Pontifices.</i>	
Stephanus VII.	896
Roma-	

Romanus	897
Th odorus II.	898
Joannes IX.	898
Benedictus IV.	900
Leo V.	904
Christophorus	904
Sergius III.	905
Anastasius III.	912
Lando	914
Joannes X.	915
Leo VI.	928
Stephanus VIII.	929
Joannes XI.	931
Leo VII.	936
Stephanus IX.	939
Marinus II.	943
Agapetus II.	946
Joannes XII.	956
Leo VIII.	963
Benedictus V.	964
Joannes XIII.	965
Benedictus VI.	972
Donus II.	964
Benedictus VII.	975
Joannes XIV.	984
	Boni-

Bonifacius VII.	985
Joannes XV.	986
Gregorius V.	997
Silvester II.	999
Joannes XVI. dict. XVIII.	1003
Joannes XVIII. dict. XIX.	1004
Sergius IV.	1009
Benedictus VIII.	1012
Joannes XX.	1024
Benedictus IX.	1033
Gregorius VII.	1045
Clemens II.	1046
Damasus II.	1048
S. Leo IX.	1049
Victor II.	1055
Stephanus X.	1057
Nicolaus II.	1059
Alexander II.	1061
S. Gregorius VII.	1073
Victor III.	1087
Urbanus II.	1088
Paschalis II.	1099
Gelasius II.	1118
Callistus II.	1123
Honorius II.	1128
	Inno-

Innocentius II.	1130
Cœlestinus II.	1143
Lucius II.	1144
Eugenius III.	1145
Anastasius IV.	1153
Adrianus IV.	1154
Alexander III.	1159
Lucius III.	1181
Urbanus III.	1185
Gregorius VIII.	1187
Clemens III.	1187
Cœlestinus III.	1191
Innocentius III.	1198
Honorius III.	1216
Gregorius IX.	1227
Cœlestinus IV.	1241
Innocentius IV.	1243
Alexander IV.	1254
Urbanus IV.	1261
Clemens IV.	1265
B. Gregorius X.	1271
Innocentius V.	1276
Hadrianus V.	1276
Joannes XXI.	1276
Nicolaus III.	1277
	Mar-

Martinus II. dictus IV. ex duobus Martinis prædecessoribus.	1281
Honorius IV.	1285
Nicolaus IV.	1288
S. Cœlestinus V.	1294
Bonifacius VIII.	1294
Benedictus X. dict. XI.	1303
Clemens V.	1305
Joannes XXII.	1316
Benedictus XI. dict. XII	1334
Clemens VI.	1342
Innocentius VI.	1352
Urbanus V.	1362
Gregorius XI.	1370
Urbanus VI.	1378
Bonifacius IX.	1389
Innocentius VII.	1404
Gregorius XII.	1406
Alexander V.	1409
Joannes XXIII.	1410
Martinus V.	1417
Eugenius IV.	1431
Nicolaus V.	1447
Callistus III.	1455
	Pius

Pius II.	1458
Paulus II.	1464
Sixtus IV.	1471
Innocentius VIII.	1484
Alexander VI.	1492
Pius III.	1503
Julius II.	1503
Leo X.	1513
Hadrianus VI.	1522
Clemens VII.	1523
Paulus III.	1534
Julius III.	1550
Marcellus II.	1555
Paulus IV.	1555
Pius IV.	1560
B. Pius V.	1566
Gregorius XIII.	1572
Sixtus V.	1585
Urbanus VII.	1590
Gregorius XIV.	1590
Innocentius IX.	1591
Clemens VIII.	1591
Leo XI.	1605
Paulus V.	1605
Gregorius XV.	1621
E	Urba-

Urbanus VIII.	1623
Innocentius X.	1644
Alexander VII.	1655
Clemens IX.	1667
Clemens X.	1669
Innocentius XI.	1676
Alexander VIII.	1689
Innocentius XII.	1691
CLEMENS XI.	1700

58. Ut autem facilius reperias eum Pontificem, cuius tempus quæris; proponam hic eos ordine alphabeticō.

A.

Adeodatus	672
Adrianus I.	772
Adrianus II.	867
Adrianus III.	884
Adrianus IV.	1154
Adrianus V.	1276
Adrianus VI.	1521
Agapetus I.	535
Agapetus II.	946
Agatho	679
	Ale-

Alexander I.	119
Alexander II.	1061
Alexander III.	1159
Alexander IV.	1254
Alexander V.	1409
Alexander VI.	1492
Alexander VII.	1655
Alexander VIII.	1689
Anacletus	101
Anastasius I.	398
Anastasius II.	496
Anastasius III.	912
Anastasius IV.	1153
Anicetus	165
Anterus	235

B.

Benedictus I.	575
Benedictus II.	685
Benedictus III.	855
Benedictus IV.	900
Benedictus V.	964
Benedictus VI.	972
Benedictus VII.	975
Benedictus VIII.	1012
Benedictus IX.	1033

E 2

Be.

ias
x.
a-

le-

Benedictus X. dict. XI.	1303
Benedictus XI. dict. XII.	1334
Bonifacius I.	418
Bonifacius II.	529
Bonifacius III.	607
Bonifacius IV.	608
Bonifacius V.	620
Bonifacius VI.	896

*Baronius non numerat hunc
inter Pontifices.*

Bonifacius VII.	985
Bonifacius VIII.	1294
Bonifacius IX.	1389

C.

Cajus	283
Callistus I.	219
Callistus II.	1123
Callistus III.	1455
Christophorus	904
Clemens I.	91
Clemens II.	1046
Clemens III.	1187
Clemens IV.	1265
Clemens V.	1305
Clemens VI.	1342

Cle-

Clemens VII.	1523
Clemens VIII.	1591
Clemens IX.	1667
Clemens X.	1669
CLEMENS XI.	1700
Cletus	78
Cœlestinus I.	425
Cœlestinus II.	1143
Cœlestinus III.	1191
Cœlestinus IV.	1241
Cœlestinus V.	1294
Conon	687
Constantinus	708
Cornelius	251

D.

Damasus I.	367
Damasus II.	1048
Deusdedit	616
Dionysius	258
Donus I.	677
Donus II.	974

E.

Eleutherius	177
Evaristus	110
Eugenius I.	654

E 3

E 4.

Eugenius II.	824
Eugenius III.	1145
Eugenius IV.	1431
Eusebius	309
Eutychianus	275

F.

Fabianus	236
Felix I.	270
Felix II.	355
Felix III.	483
Felix IV.	526
Formosus	891

G.

Gelasius I,	492
Gelasius II.	1118
Gregorius I.	590
Gregorius II.	715
Gregorius III.	731
Gregorius IV.	828
Gregorius V.	997
Gregorius VI.	1045
Gregorius VII.	1073
Gregorius VIII,	1187
Gregorius IX,	1227
Gregorius X,	1271

Gre-

Gregorius XI.	1370
Gregorius XII.	1406
Gregorius XIII.	1572
Gregorius XIV.	1590
Gregorius XV.	1621

H.

Higinus	152
Hilarius	461

Kide O.

I,

Innocentius I.	402
Innocentius II.	1130
Innocentius III.	1198
Innocentius IV.	1243
Innocentius V.	1276
Innocentius VI.	1352
Innocentius VII.	1404
Innocentius VIII.	1484
Innocentius IX.	1591
Innocentius X.	1644
Innocentius XI.	1676
Innocentius XII.	1691
Joannes I.	523
Joannes II.	532
Joannes III.	561

E 4

Joan-

Joannes IV.	640
Joannes V.	686
Joannes VI.	702
Joannes VII.	705
Joannes VIII.	872
Joannes IX.	898
Joannes X.	915
Joannes XI.	931
Joannes XII.	956
Joannes XIII.	965
Joannes XIV.	984
Joannes XV.	986
Joannes XVI. dict. XVIII.	1003
Joannes XVIII. dict. XIX.	1004
Joannes XX.	1024
Joannes XXI.	1276
Joannes XXII.	1316
Joannes XXIII.	1410
Julius I.	337
Julius II.	1503
Julius III.	1550

L.

Lando	914
Leo I.	440
Leo II.	682

Leo

Leo III.	795
Leo IV.	847
Leo V.	904
Leo VI.	928
Leo VII.	936
Leo VIII.	963
Leo IX.	1049
Leo X.	1513
Leo XI.	1605
Liberius	352
Linus	67
Lucius I.	253
Lucius II.	1144
Lucius III.	1181

M.

Marcellinus	296
Marcellus I.	304
Marcellus II.	1555
Marcus	336
Martinus I.	649
Martinus II.	882
Martinus III.	943
Martinus IV.	1281
Martinus V.	1417
Melchiades	311

E s

N. Ni-

N.

Nicolaus I.	858
Nicolaus II.	1059
Nicolaus III.	1277
Nicolaus IV.	1288
Nicolaus V.	1447

O.

Ormisdas	514
Onorius I.	626
Onorius II.	1128
Onorius III.	1216
Onorius IV.	1285

P.

Paschalis I.	817
Paschalis II.	1099
Paulus I.	757
Paulus II.	1464
Paulus III.	1534
Paulus IV.	1555
Paulus V.	1605
Pelagius I.	555
Pelagius II.	579
S. PETRUS	45
ius I.	156
Pius II.	1458
	Pius

Pius III.	1503
Pius IV.	1560
Pius V.	1566
Pontianus	231
	R.
Romanus	897
	S.
Sabinianus	604
Sergius I.	688
Sergius II.	844
Sergius III.	905
Sergius IV.	1009
Severinus	640
Silvester I.	314
Silvester II.	999
Silverius	536
Symmachus	498
Simplicius	467
Siricius	385
Sisinnius	707
Sixtus I.	130
Sixtus II.	257
Sixtus III.	432
Sixtus IV.	1471
Sixtus V.	1585

108 *Tyrcinii Theologici*

Soter	173
Stephanus I.	255
Stephanus II.	752
Stephanus III.	752
Stephanus IV.	768
Stephanus V.	816
Stephanus VI.	885
Stephanus VII.	896
Stephanus VIII.	929
Stephanus IX.	939
Stephanus X.	1057

T.

Telesphorus	140
Theodorus I.	642
Theodorus II.	898

V.

Valentinus	827
Vigilius	537
Vitalianus	657
Victor I.	192
Victor II.	1055
Victor III.	1087
Urbanus I.	224
Urbanus II.	1088
Urbanus III.	1185

Ur-

Urbanus IV.	1261
Urbanus V.	1362
Urbanus VI.	1378
Urbanus VII.	1590
Urbanus VIII.	1623

Z.

Zacharias	741
Zephyrinus	201
Zosimus	417

59. Ex his Palæstini fuere 2.

Græci 11.
Itali 68.
Romani 102.
Germani 4.
Galli 15.
Anglus 1.
Hollandus 1.
Provincialis 1.
Hispani 3.
Africanī 2

Benedictini 31.

Eremitæ 2.

Dominicani 3.

Franciscani 4.

E 7

60. Ex

60. Ex eo autem, quod Pontifex Romanus sit verus Petri successor, Ecclesiæ caput, & Pastor supremus; sequitur 1. quod ipse sit supra concilium: Patres enim in unum congregati non desinunt esse oves, quarum cura Petro committitur: cui soli dictum fuit: *Pasce oves meas, confirma fratres tuos.* Quare jure optimo concilium Lateranense ultimum less: 2. abrogatis Concilii Basileensis decretis contra Pontificis autoritatem factis, subdit. Solum Romanum Pontificem pro tempore existentem tanquam auctoritatem super omnia Concilia habentem, Conciliorum indicendorum, transferendorum ac dissolvendorum plenum jus, ac potestatem habere, nedum è Sacra Scriptura testimonio, dictis Sanctorum Patrum, ac aliorum Romanorum Pontificum etiam Praedecessorum nostrorum. sacrorumque Canonum decretis, sed propria etiam eorundem Conciliorum confessione manifestè constat.

61. Sequitur 2. quod Pontificis definitiones sint infallibles absque assensu

su Concilii , nam cum Christus Pe-
trum , & in eo ipsius successores fe-
cerit Ecclesiæ Pastores , eisque dede-
rit claves scientiæ , & potestatis ,
sine fundamento afferitur , non esse
illis datam potestatem absolutam do-
cendi , sed conditionatam , & penden-
tem ab assensu Concilii , Ecclesiæque
sibi subditæ ; ut sine fundamento dice-
retur , non tradi absolutam potesta-
tem docendi ei , qui in Universitate ali-
qua legitima , & approbata fit Doctor ,
& Cathedram actu accipit , & discipu-
los quos erudiat ; nec tradi absolutam
potestatem condendi leges ei , cui ritè
& legitimè confertur regia potestas
per verba , & signa non denotantia ul-
lam limitationem seu conditionem .
Et confirmatur authoritate Conci-
liorum , quæ hanc in Pontifice Roma-
no infallibilitatem agnoverunt . Con-
cilium siquidem Chalcedonense lectâ
S. Leonis Papæ epistolâ , quâ Eutyches
damnabatur , acclamavit , *Anathema
ei , qui ita non credit : Petrus per Leonem lo-*

cessus

cutus est, eique tanquam certissimæ Fidei regulæ subscripsit actione 4. Idem fuit Concilii Constantinopolitani 2. sensus erga Pontificem Agapetum in causa Anthymi, & Concilii Oecumenici 6. erga Agathonem, de cuius litteris tota Synodus ait. *Quas ut à summo Apostolorum vertice divinitus conscriptas agnoscimus.* Demùm pleræque hæreses hoc modo damnatae sunt, nempe per solam Romani Pontificis sententiam, quæ videlicet emerserunt à tempore Apostolorum usque ad Concilium Nicænum I. nempe Marcionis, Montani, Novatiani, aliorūmque: nullum enim eq tempore intermedio fuit Concilium generale celebratum. Sic aliæ multæ postea damnatae fuere, ut Pelagianismus, Semipelagianismus, Priscillianismus, &c.

62. Sequitur 3. quòd, cùm Summo Pontifici sit commissa cura Gregis, & hæc haberi non possit, nisi Gregi ostendatur, quæ sint bona pascua, quæ mala, qui lupi sint, quamvis esse non

non videantur , & alia hujusmodi ;
jam ad Pontificem pertinet , multa
definire , quæ à nonnullis invidiosè ad
quæstionem facti pertinere dicuntur ,
licet re ipsa ad quæstionem juris per-
tineant ut e. g. quod hæc sit vera Tra-
ditio Divina , hæc editio Scripturæ
Sacræ sit conformis ei quam Spiritus
Sanctus dictavit ; quod hic sit ejus ve-
rus sensus ; quod hæc Patrum scripta
contineant sanam doctrinam ; ea ve-
rò Novatorum , e. g. Lutheri , Cal-
vini contineant doctrinam pravam ,
hæreticam , quodque proinde ipsi una
cum sua doctrina spectati , habendi
sint hæretici , quemadmodum plura
re ipsa Concilia anathema dixerunt
non solum errori e. g. Arrii , Nestorii
&c. sed etiam Arrio ipsi , Nestorio &c.
Refert enim Socrates c. 10. l. 1. Hist.
Eccl. quod , cùm in Synodo Nicæna
aliqui Episcopi subscriberent quidem
damnationi hæresis Arrianæ , sed Arrio ,
ejusque doctrinæ anathema dicere de-
trectarent , Quod minimè crederent , eum ,
qui

qui erat accusatus, hominem ejus generis
fuisse, qui tot errores doceret, id satis fuit,
ut Synodus illos pro Hæreticis habe-
ret, & exilio mulctaret. Similitèr
cum in Chalcedonensi Concilio act. 8.
Theodoretus anathema Nestorio di-
cere recusaret, Patres clamârunt; *iste
hæreticus est, iste Nestorianus est: hære-
ticum foras mittite.* Neque porrò il-
lum pro Catholico habere voluêre;
nisi diceret apertè anathema Nesto-
rio.

63. Quia verò non potest quis ob-
ligari ad dicendum anathema aliqui
ut hæretico, nisi obligetur ad inter-
num judicium, quo judicet illum esse
talem, seu ejus scripta verè hæretica
esse, sequitur 4. quod Ecclesia, &
Pontifex obligare etiam possit ad ejus-
modi actum internum; ac proinde te-
neri fideles in hujusmodi decisionibus
non solùm præstare silentiū obsequio-
sum, sed animo verè assentiri, quòd
nempe scripta illa hæresim contineant,
adeoque quòd eorum auctor specta-
tâ

tâ ejus doctrinâ , hæreticus sit. Atque hæc scilicet sunt, quæ à Theologis appellantur non facta simpliciter sed facta dogmatica, quæ videlicet ad fidei doctrinam pertinent.

64. Hic adverte i. quòd non, quidquid Ecclesia , aut Pontifex damnat circa doctrinam, eodem modo damnat. Nam aliquando damnat aliquam propositionem ùt *hereticam*, nempe ùt oppositam formaliter , & directè doctrinæ Fidei, seu doctrinæ ab Ecclesia definitæ. Aliquando damnat aliquam propositionem , ùt *erroneam* , nempe ut contrariam communi Patrum doctrinæ, licet non expressè revelatæ , aut per Ecclesiam definitæ. Aliquando ut *errori proximam* , nempe ferè contrariam communi Patrum sententiæ. Aliquando ut *suspiciābilem heresim* , vel *erroris* , vel ut *sapientem heresim* vel *errorem* , ex circumstantiis scilicet personæ , loci , vel temporis, quibus prolatæ fuit. Aliquando ut *malē sonantem* , quæ videlicet, et si sensum non

non habeat Fidei dissonum , at verba
habet incongrua. Aliquando ut *temerariam*, seu sine fundamento dictam.
Aliquando demum ut *scandalosam*, quæ
videlicet dat aliis occasionem ruinæ
spiritualis.

65. Adverte 2. quod non quicquid
Pontifex approbat , approbat ut Di-
vinâ fide credendum. Constat enim
Summam Theologicam Alexandri A-
lensis , jussu Alexandri IV. à Facultate
Parisiensi examinatam esse , appensis-
que septuaginta duorum Magistro-
rum sigillis approbatam fuisse , ac po-
stea Pontificio ipso diplomate confir-
matam. Similiter Theologiam S.
Thomæ à variis Pontificibus , summis
laudibus approbatam & celebratam
fuisse , & præsertim à Joanne XXII.
Innocentio VI. Clemente VIII. &
Alexandro VII. quorum primus dixit,
D. Thomam tot miracula fecisse , quot
articulos scripsit. Secundus : nunquam
inventum esse , quod à tramite veritatis
deviaverit , qui D. Thomam tenuit ; eum
vero,

verò , qui eum impugnavit , semper fuisse
de veritate suspectum ; Tertius in Bulla
ad Nobiles Neapolitanos, teste Basilio
Pontio , Doctrinam S. Thomæ sine ullo
prorsus errore esse. Quartus , Asserta S.
Thomæ esse dogmata inconcussa. Appro-
batam , & laudatam similiter fuisse à
Clemente IV. Gregorio X. Sixto IV. &
Sixto V. S. Bonaventuræ doctrinam.
Nec tamen contra Fidem Divinam
peccat , qui in aliquo ab horum Do-
ctorum sententia discedit.

66. *Disc.* Quid ergo declaravit
Pontifex in his & similibus approba-
tionibus ?

Mag. Declaravit eos libros appro-
batos nihil continere contrarium illis,
quæ usque ad illud tempus Ecclesia de-
finierat , nihil bonis moribus contra-
rium , imò continere doctrinam Fi-
dei dogmatibus explicandis , & pro-
movendæ pietati peropportunam.

67. Adverte 3. non semper Pon-
tificem dum aliquid docet , ex Cathe-
dra definire , seu docere , ut Ecclesiæ
docto-

Doctorem, & Pastorem; sed aliquando docere præcisè ut doctorem privatum. Sunt enim aliqui Pontifices qui scripta sua vel Theologica, vel Canonica edidere, ut Innocentius IV. aliique, nec tamen quæ continentur in illis, Pontificiæ definitionis vim habent.

68. *Disc.* Quando censendus est Pontifex loqui ex cathedra, ac definire tanquam Ecclesiæ Pastor, & caput?

Mag. Respondet huic quæstioni Valentia 2. 2. qu. 1. punct 7. §. 39. dicens: *Tunc verò definit Summus Pontifex ut Ecclesiæ caput, quando decretum edit pro universa Ecclesia, quodque velit à Fidelibus indubitanter admitti.* Idem docet Granado 2.2. controv. 1. tract. 7. disp. 2. sect. 1. n. 1. Similiter Suarez contra Regem Angliæ lib. 1. cap 3. n. 16. docet, tunc Pontificem definire ut caput Ecclesiæ cum definit, vel approbat tanquam credendum vel observandum ab universa Ecclesia. Vide Melch. Can.

Canum lib. 6. de locis Theolog. cap.
8. in respons. ad ultimum argum.

69. Quamvis autem Pontifices aliquando responsa sua vel constitutio-nes dirigant ad particularem Eccle-siam, cum tamen aliquid docent & sta-tuunt, quod omnes generaliter affi-cit, & ut ab omnibus certò tenendum vel servandum, jam responsum & constitutio vim certæ definitiois ha-bere videtur. Hinc semper Ecclesia hujusmodi responsa, seu constitutio-nes ut Fidei morumque regulas vene-rata est.

70. Disc. Quandoquidem de hujus-modi Pontificum epistolis, Responsis seu constitutionibus sermo incidit, cupio perdiscere, an Canones, qui di-cuntur Apostolorum, & à S. Clemen-te fuere collecti, sint verè Apostolici, vel ipsius S. Clementis, aut alterius Pontificis?

Mag. Fuere quidem hi 85. Canones sub initium sexti saeculi ab Ecclesia Græca recepti, ut verè Apostolici, & fal-

faltem sc. priores cœperunt eodem tempore recipi à multis in Ecclesia Latina: adhuc tamen hodie ab eruditis ferè omnibus habentur omnes ut sūposititii, nec verè collecti à D. Clemente; quamvis multa utilia contineant.

1. quia Gelasius Papa in concilio Rom. 70. Episcoporum eos recenset inter libros ab Ecclesia rejectos, & non probatos.

2. quia nullus priorum sæculorum Scriptoreorum meminit, etiam cùm debuit maximè meminisse; cùm nempe ageretur de controversia per hos Canones definita. e. g. Cyprianus in controversia Baptismatis non meminit unquam canonis 46. exprelsè dicentis, *Episcopum, aut Presbyterum hæreticorum suscipientem Baptisma damnari præcipimus.* Nec Victor Papa in ea tam celebri controversia cum Asiaticis Episcopis de Paschate celebrando, allegavit unquam canonem 7. qui vetat Pascha cum Judæis celebrare, qui sanè Canones allegari maximè debuissent.

3. quia S. Isidorus Hispa-

Hispalensis expressè afferit, hos Canones nec à Sede Apostolica recipi, nec à SS. Patribus, & esse ab Hæreticis confictos.

Nec obstat, quod Patres, & Concilia aliquando aliquam constitutio-nem, seu Regulam appellant Aposto-licam: non enim negamus, ab Apo-stolis verè conditos fuisse aliquos Ca-nones, sed negamus hujusmodi esse prædictos, ac dicimus, certum esse, quòd aliqui non sunt; de aliis incer-tum, ac proinde prædictam collec-tionem istorum Canonum, imò & 50. priorum apocrypham esse, nec so-lùm non habere auctoritatem juris Apostolici, sed neque Pontificiam, nempe conditi à Pontificibus Roma-nis, quorum etiam Constitutiones vo-cantur quandoque Apostolicæ, ut il-læ appellantur, quæ octo libris sub ejusdem D. Clementis nomine sunt collectæ.

7. *Disc.* At has ego putaveram es-se ipsorum Apostolorum.

F

Mag.

Mag. Quia videlicet non legisti omnés. Igitur Apostolorum non sunt 1. quia continent nonnullos errores, ut hæreticos esse illos , qui suspicantur , JEsum esse DEum super omnia; Baptismum ab Hæreticis collatum iterari debere ; Sabbathum eadem solemnitate , quâ diem Dominicam celebrari; Patrem esse Dominum Spiritus Sancti. 2. quia dies festos ipsis Apostolis statuunt. 3. quia non videntur notæ fuisse priorum Ecclesiæ sacerdorum Patribus : si enim notæ fuissent, non dixisset Irenæus in suo cum Triphone dialogo , Sabbathi celebrationem esse Christi passione extinctam : & Cyprianus eas contra Stephanum Papam allegasset. Ex hoc autem primo & tertio argumento habetur , nec esse illas Clementis Pontificis factum. Adde quod neque S. Epiphanius, neque S Hieronymus eas Clementi tribuunt , quamvis uterque scripta hujus S. Pontificis recenseat omnia,

72. *Disc.*

72. *Disc.* Quod tandem est eruditorum judicium, de veterum Pontificum usque ad Siricum decretalibus, audivi enim eas non satis certæ authoritatis esse.

Mag. Non sunt quidem authoritatis certissimæ, non tamen tam incertæ, quæ sunt prædicti Canones & Constitutiones. Referam diversas eruditorum opiniones. Suppositicias esse putant aliqui has antiquorum Pontificum epistolas decretales 1. quod nullus octo priorum sæculorum auctor Ecclesiasticus illarum mentionem fecerit. 2. quod in his laudatur sæpè Scriptura sacra juxta vulgatam Sancti Hieronymi versionem. 3. quod in his nullus Hæreticus eorum temporum impugnatur, aut nominatur. 4. quod Dionysius Exiguus veterum Pontificum epistolarum collector accuratus suæ collectionis initium dicit à Siricii decretalibus, nullâ earum, quæ Siricum prædecessere, mentione fa-

Etā. s. quod videantur continere
dicta posteriorum Pontificum , seu
Conciliorum , Patriūmque.

Alii econtra genuinas eas habent.
1. quòd ut tales eas agnovēre varia
Concilia , nempe Aquisgranense sub
Greg. IV. habitum, Coloniense cap. 3.
Moguntinum c. 11. Metense c. 5. Rhe-
mense contra Arnulphū, & his omni-
bus antiquius Romanum 70. Episco-
por. sub Gelasio an. 494. 2. quod eas ut
genuinas admittant Canonum col-
lectores eruditī Anselmus Lucensis,
Burchardus, Ivo, Gratianus, & rur-
sùs etiam Theologi communiter
cum D. Thoma, qui his epistolis uti-
tur ad confirmanda Fidei dogmata.
3. quod Leo Magnus ep. 1. ad uni-
versos Episcopos mandat custodiri
omnia suorum Prædecessorum *decre-
talia constituta*, quod idem mandat
Nicolaus I. ep. 47. scribens ad Epis-
copos Galliar̄; qui si supposititia e-
esse putassent, id sine dubio Nicolao
à quo urgebantur, respondissent
quod

quod tamen non fecere; immo ea uterque Hincmarus Rhemensis, & Laudunensis laudat. Haec sane evincunt non esse tam facilè has epistolas reiciendas, ut aliqui faciunt, immo esse veneratione dignas, & ex his benè confici argumentum Theologicum valde probabile, ut ii ipsi fatentur, quibus non satis certus est earum auctor.

Disc. Sed quid de decretis congregationum Cardinalium editis in materia Fidei, aut morum jubente ipso summo Pontifice? Petetne ex illis Theologus certum argumentum? Atque hic locus est, in quo de Cardinalium origine, munere, & auctoritate strictim, & quantum satis sit, me doceas.

73. *Mag.* De horum origine varii varia opinantur. Eos cospisse volunt aliqui à S. Gregorio, alii à S. Silvestro, à S. Marcello alii, nonnulli à S. Pontiano. Eugenius IV. in epistola ad Cantuariensem Archiepiscop. dicit, Cardinalium nomen non

fuisse quidem primis nascētis Ecclesiæ temporibus expressum , munus tamen , & officium à S. Petro Apostolo , & successoribus ejus evidenter institutum. Et quidem quod attinet ad nomen , certum est quod nullibi reperitur Cardinalium mentio facta ante Concilium Romæ sub Sylvestro habitum anno 324. in quo can. 7. præcipitur , ut *Diaconi non sint plures per Parochiarum examen , nisi duo , & Cardinales Urbis Romæ septem.* Primi Cardinales videntur fuisse soli Diaconi , siisque procuratores pauperum , pupillorum & viduarum suæ regionis , dicti proinde Regionarii. Postea crescente numero Fidelium & Presbyterorum primus Parochiæ seu tituli Presbyter , qui cæteris sui tituli Presbyteris præcesset , dictus fuit Presbyter Cardinalis. Tandem non sub Honorio II. ut opinantur aliqui , sed circa , vel paulò ante Petri Damiani Cardinalis , & Ostiensis Episcopi tempora , nempe circa an. 1057. addi-

additi fuere Episcopi Cardinales, cum videlicet fuere designati septem Urbis Romæ viciniores Episcopi, qui assisterent summo Pontifici, eumque in curis & laboribus studio, & consilio sublevarent.

74. Numerus autem sic electorum varius fuit pro varietate temporum. Sub Bonifacio VIII. fuere Cardinales soli 20. Eo tempore, quo Avenione sedebant summi Pontifices, fuere 30. Ne plures quam 34. in posterum forent statuerunt Constantiensis Concilii Patres sess. 40. Sub Leone tamen X. qui una sola Cardinalium promotione creavit 31. visi simul fuere Cardinales 65. sub Paulo IV. numerati fuere 70. & sub Pio IV. 76. Tandem Sixtus V. speciali constitutione decrevit, ne plures paucioresque forent in posterum Cardinales quam 70. ut 70. fuere seniores de populo Israëlitico Moysi Collaterales, & Assistentes, de quibus Num. cap. II. ver. 16. ita Moysi Deus. Con-

grega mihi 70. viros de senibus Israël,
quos tu nosti, quod seneſ populi ſint, ac
Magistri, & duces eos ad oſtium taberna-
culi fœderis, faciesque ibi ſtare tecum, ut
deſcendam, & loquar tibi, & auferam
de ſpiritu tuo, tradāmque eis, ut ſuffen-
tent tecum onus populi, & non tu ſolus
graveris.

Is numerū modò perfeverat. Sunt
autem ex Diaconorum ordine 14. ex
ordine Presbyterorum 50. & ex Epi-
ſcoporum ordine ſex, videlicet anti-
qui viciniores Romanæ Urbis Epif-
copi, Oſtiensis, Veliternus, Portu-
ensis, Tufculanensis, Sabinensis,
Frænēſtinensis, & Albānensis. Sed in-
ter eos non computatur ſeorsim Ve-
liternus Epifopus, ex quo Eugenius
III. Oſtiensi Veliternum univit Epi-
ſcopatum.

Ex his conficiuntur variæ Congre-
gationes, pro varietate controverſia-
rum, quæ ad Pontificem deferuntur,
ut in his momenta rationum expen-
dantur, antequam vel ab iphis Con-
gre-

gregationibus, vel à Romano Pontifice sententia feratur. Sunt autem septem præcipue.

75. 1. Sancti Officii, seu sacræ & universalis inquisitionis rebus Fidei prospiciendis occupata, à Paulo III. erecta, & à Paulo IV. confirmata.

2. Propagandæ Fidei, Missionibus vel instituendis, vel conservandis, vel dirigendis in regionibus infidelium, cæterisque, quæ Fidei propagacionem juvare possint, intenta, à Gregorio XV. instituta.

3. Concilii, ad quam referuntur dubia, & quæstiones circa decreta Concilii Tridentini pertinentia ad disciplinam.

4. Episcoporum & Regularium; causis videlicet Episcoporum & Regularium decidendis occupata.

5. SS. Rituum, cui cura sacrarum Ecclesiæ cæremoniarum & consuetudinum. Ad hanc quoque pertinet expendere merita eorum, qui propo-

nuntur, ut inter Beatos, vel Sanctos referantur.

6. Indicis librorum prohibitorum, quæ suspendit, vel prohibet, vel corrigit libros hac notâ dignos.

7. Immunitatis Ecclesiasticæ, controversias scilicet hac super re occurrentes dirimens, aut ad Pontificem referens, ab Urbano VIII. instituta.

76. Omitto alias, quæ minus faciunt ad rem præsentem, eisque, quæ pro temporum necessitate instituuntur, & perpetuæ non sunt. Ut autem respondeam quæstioni, quam proposuisti, dico, harum Congregationum decretis esse omnino parentum, &, si prodeant de mandato & nomine Summi Pontificis, qui est Caput prædictarum Congregacionum, habere inviolabilem autoritatem, ut probat Joannes Cardenas ea dissert. I. suæ Crisis num. 99. & sequ. quem consulere potes. Satis enim pro instituto nostro actum est de Pontificum definitionibus, decretisque.

Quin-

*Quintus Locus Theologicus, Patrum
Doctrina.*

Nunc agendum de alio loco Theo-
logico, eoque luculentissimo,
nempe Patrum Doctrina.

77. Nomine autem Patrum Eccle-
siæ non intelligimus h̄ic Apostolos, ne-
que Pontifices quoscunque, nec eos
solos, quos esse Ecclesiæ Doctores ex-
pressè declaravit Ecclesia, ut sunt Hie-
ronymus, Ambrosius, Gregorius, Au-
gustinus, &c. sed eos omnes, qui post
Apostolos cum insignis doctrinæ &
sanctitatis fama circa Fidem aut mo-
res scripsere.

78. Hi quidem seorsim falli potuere,
nec nullus ex ipsis quantumvis doctissi-
mus & sanctissimus, est infallibilis, ut
expressè docent S. Hieronymus in
epist. ad Gtesiphontem, & S. Augusti-
nus ep. 19. ad S. Hieronymum, & alibi.
Et patet primò, quia nullus ipsorum
habet ex se, aut ex sanctitate & do-
ctrina, aut ex DEI promisso hanc
infallibilitatem. Secundò quia con-

F 6 stat

stat, aliquos ex ipsis interdum in aliquibus errasse.

Addo, nec esse infallibiles, quamvis multi ex ipsis convenient in eandem sententiam: nullum enim eorum infallibilitatis argumentum habemus, constatque multos convenisse in doctrina rejecta, cujusmodi fuit exempli gratiâ, sententia Chilistarum, seu Millenariorum, putantium, Christum cum suis Sanctis post resurrectionem in terris per mille annos gavisurum: Quamvis autem nec singuli, nec inulti simul, refragantibus aliis, confiant argumentum infallibile, faciunt tamen etiam singuli argumentum validè probabile, cum quidquam docent, ab aliis non negatum.

Si verè omnes in aliqua doctrina pertinente ad Fidem, vel mores, convenient, in ea infallibiles sunt. Quia verò non est ita facile, verum Patrum sensum assequi, ac proinde cognoscere, quando sit eorum in aliqua controversia consensus, ideo requiritur defi-

definitio Conciliorum , vel Pontificum.

79. Et quidem superbis præsertim & pervicacibus , nec exipientibus , quæ expendenda sunt , valdè periculosa est lectio Patrum. Ut id mali caueas , dum eos legis , expende primò , quando scripserint : sic aliqua in ipsis excusabis , quæ modò post novas Ecclesiæ definitiones dicenda non essent. Ut autem id facias , subtexam hīc Indicem Patrum saltem celebriorum. Secundò , contra quos , vel quā occasione scripserint ; sic temperabis ea , quæ significantius scripta videntur , temporis enim & erroris , qui refellendus erat , ratio sic exposcebat. Tertiò , ne facilè in obscuris de vero sensu pronuncies , sed postquam in illius Patris scriptis fueris diu , multumq; versatus ; habent enim singuli suas phrases , suos dicendi characteres , non cuique notos , sed soli lectori versato & familiari. Quartò , sic lege Patres , ut habeas semper præ oculis Ecclesiæ , & Pon-

tificum definitiones , nec has , quæ clarissimæ sunt , & habent infallibilem authoritatem ex illis , sed illos ex his explices , & benignè exponas. Id si fecissent Novatores , Novatores haud quaquam fuissent. Quintò , si librum translatum legeris , vide cujus fidei , vel famæ sit translator. Si enim hæreticus sit , vel suspectus , suspectam habeas translationem ipsam. Solent enim bæretici , (monet Cardinalis Bellarminus de Script. Eccl. in S. Maximo Martyre) in Auctoribus bonis transferendis sèpè ad suos errores sententias auctorum bonorum accommodare . 6. Cave , ne dubia Patrum scripta , vel supposititia legas pro certis & germanis. Multa enim eis tribuuntur , quæ eorum non sunt. Hæc infrà notabo in singulis , ubi enumerabo certa , reliqua habere potes ut non satis certa ; econtra ubi re censebo incerta , reliqua habere potes pro certis , aut ferè certis. Eorum autem Patrum , quorum non facio mentionem , opera habere potes pro certis .
& ge-

& genuinis, sed anteà ipsorum Patrum,
saltem celebriorum, indicem dabo.

*Index Chronologicus & Alphabeticus
Patrum celebriorum.*

- S. Ambrosius floruit anno 374.
S. Anselmus Cantuariensis, 1081.
S. Athanasius, 340.
S. Augustinus, 420.
S. Basilus Magnus, 370?
Beda Venerabilis, 751.
S. Bernardus, 1130.
S. Bernardinus, 1438.
S. Bonaventura, 1275.
S. Cæsarius Arelat. 499.
Clemens Alexand. 204.
S. Clemens Romanus, 92.
S. Cyprianus, 250.
S. Cyrillus Alexandr. 430.
S. Cyrillus Hierosol. 365.
S. Dionysius Alex. 250.
S. Dionysius Areop. 71.
S. Ephrem Syrus, 365.
S. Epiphanius, 370.
S. Eucherius Ep. Lugdun. 440.

S. Eu-

- S. Eulogius Mart. 850.
S. Fulgentius; 500.
S. Gelasius Papa, 492.
S. Germanus Constantinop. 720.
S. Gregorius Magnus, 600.
S. Gregorius Nazianz. 370.
S. Gregorius Nyssen. 380.
S. Gregorius Thaumat. 233.
S. Gregorius Turon. 596.
S. Gregorius II. 714.
S. Hieronymus, 390.
S. Hilarius 355.
S. Hildephonsus Ep. Tolet. 658.
Hugo de S. Victore, 1130.
Idiota, 902.
S. Ignatius Martyr, 71.
S. Ildephonsus, *vide* Hildephonsus.
Innocentius III. 1200.
S. Joannes Chrysostomus, 398.
Joannes Climacus, 560.
S. Joannes Damascenus, 731.
S. Irenaeus Martyr, 180.
S. Isidorus Hispalensis, 630.
S. Justinus Mart. 150.
S. Laurentius Justinianus 1440.

S. Leo

- S. Leo I. Papa, 440.
S. Maximus Ep. Taurinensis, 420.
S. Maximus Martyr, 650.
S. Methodius, Ep. & Mart. 285.
S. Nicephorus Ep. Constant. 811.
 Nicolaus II. Papa, 818.
S. Nilus Abbas, 445.
S. Optatus Milevitanus, 365.
S. Pachomius, 340.
S. Paulinus Nolanus, 420.
 Paulinus Aquilejensis Ep. 780.
Petrus Blesensis, 1177.
Petrus Abbas Cluniac. 1130.
S. Petrus Chrysologus, 440.
S. Petrus Damiani, 1060.
S. Polycarpus Mart. 71.
S. Prosper Aquitanus, 460.
 Richardus de S. Victore, 1030.
 Salvianus Ep. Massiliens. 460.
S. Sophronius, Episc. 630.
S. Theodorus Studita, 820.
S. Theophilus Ep. Antioch. 170.
S. Thomas Aquinas, 1265.
S. Vincentius Ferrerius, 1410.
 Vincentius Lirinensis, 440.

S. Ze-

S. Zeno Ep. & Mart. 260.

81. S. Ambrosi certò sunt libri sex Hekameron , de Paradiso unus , de Cain & Abel duo , de Enoch & Arca unus , de Abraham Patriarcha duo , de Isaac & Anima unus , de Bono mortis unus , de Fuga sæculi unus , de Jacob , & vita beata duo , de Joseph Patriarcha unus , de Benedictionibus Patriarcharum unus , de Elia & jejunio unus , de Nabuthe Israëlite unus , de Tobia unus , de interpolatione Job & David , libri quatuor , Apologia Prophetæ David , altera ejusdem apologia , Enarrationes in Psalmos 12. Expositio in Psal. 118. Expositio in Evang. S. Lucæ , de Officiis Ministeriorum libri tres , de Virginibus ad Marcellinam libri tres , de Viduis unus , de Virginitate unus , de lapsu Virginis consecratæ unus , de Mysteriis unus , de Sacramentis libri sex , de Pœnitentiali libri duo , de Fide , libri quinque , de Spiritu Sancto libri tres , de Incarnationis Dominicæ Sacra-

men-

mento unus , Fragmentum ex Theodoreto desumptum , Epistolæ variæ num. 91 de excessu Fratris sui Satyri libri duo, de oīitu Valentiniāni consolatio, de obitu Theodosii oratio funebris, demūm hymni aliquot. Hæc omnia continentur primo & secundo tomo editionis ultimæ Congregatiōnis S. Mauri.

S. Anselmi Cantuariensis, certò sunt Menologium , Prosologium contra Guannilonem , Dialogus de veritate, de libero arbitrio, de casu Diaboli , de Grammatica , de Fide Trinitatis , & Incarnatione Verbi , cur Deus homo contra gentes, de conceptu & peccato originali , de processione Spiritūs Sancti contra Græcos , de fermentato & azymo epistola, de diversitate Sacramentorum altera epistola , de meditatione Redemptionis generis humani , de concordia præscientiæ, prædestinationis, & gratiæ cum libero arbitrio , & epistolæ quām plurimæ.

S. Athanasii, certò sunt 1. quæ com-
pre-

prehenduntur tomo primo operum ipsius, exceptâ fortassè quâdam expositione Fidei; & responsione ad ep. Liberii Papæ. 2. quæ complectitur tomus secundus 3. quæ continentur tertio tomo, exceptis sermonibus de SS. Deipara, & disputatione Athanasii cum Ario. In 4. autem tomo vix aliquid est, quod verè sit Athanasii. **D**e Symbolo dubitant aliqui, an ejus sit. Sed ejus esse probat Bellarm. de Script. Eccl. & latius Petrus Annatus in suo Methodico Apparatu.

S. Augustini fortè non sunt ex primo tomo Regulæ, & de vita Eremitica. Ex secundo tomo aliquot epistolæ. Ex tertio liber de mirabilibus sacræ Scripturæ, liber de ecclesiasticis dogmatibus, liber de spiritu, & anima, liber de Fide ad Petrum, Quæstiunculæ de Trinitate, & liber de benedictionibus Patriarcharum. Ex quarto liber sententiarum 21. liber quæstionū 65. liber quæstionum veteris & novi Testamenti, libri de Incarnatione-

natione Verbi , de Trinitate , & Uni-
tate Dei , de essentia Divinitatis , de
Fide rerum invisibilium , de substan-
tia dilectionis , de vera & falsa pœ-
nitentia , de salutaribus documen-
tis & de amicitia . Ex sexto , libri
de Altercatione Ecclesiæ , & Synago-
gæ , & de Fide contra Manichæos .
Ex septimo liber contra Fulgentium
Donatistam , liber de prædestinatio-
ne & gratia , libellus de prædestina-
tione Dei , responsio ad articulos sibi
falsò impositos , Hypognosticon , &
liber de gestis contra Pelagium . Ex
nono in Apocalypsim Joan. homil.
18. Meditationum liber , de diligen-
do Deo , Soliloquiorum , Manuale ,
de triplici habitaculo , de Scala Pa-
radisi , de duodecim gradibus abu-
sionum , de Contritione cordis , de
cognitione veræ vitæ , de speculo , de
vita Christiana ; de assumptione B.
Mariæ , de cantico novo , de con-
temptu Mundi , de vanitate sæculi ,
de obedientia & humilitate , de bo-

mo

no disciplinæ , de visitatione infirmorum , de consolatione mortuorum , de quarta feria , de Cataclismo , de tempore Barbarico , de sobrietate , speculum peccatoris , de utilitate Pœnitentiæ , de conflictu virtutum & vitiorum , de laudibus charitatis , de Symbolo Fidei , de rectitudine Catholicæ conversationis , de utilitate jejunii , de creatione primi hominis , de arbore scientiæ boni & mali , de pugna animæ , de Antichristo , Psalterium Matri suæ , expositio super Magnificat . Ex decimo tomo sermones ad fratres in Eremo exceptis duobus de communi vita Clericorum qui est 52. & 53. Prædicta omnia aut non habentur pro genuinis , aut dubia sunt , & incerta.

S. Bernardi opera dubia hæc sunt ; ad Fratres de Monte Dei Meditations , de interiori domo , de ordine vitæ , de Scala Claustralium , formula honestæ vitæ , speculum Monachorum , Sermones varii , Liber de conscientia

scientia, descriptio Claræ Vallis, Lamentatio Virginis Mariæ, Doctrina S. Bernardi, Homilia de exeuntibus in Emmaus, de amore Dei, de natura & dignitate Divini amoris, Sermo de Passione Domini, Rhetorica S. Bernardi, de modo benè vivendi ad sororem suam, de conscientia Sermones 15. de diversis argumentis, super Salve Regina, epistola, in qua quid requirat Deus, Sermones 11. de oneribus.

S. Cæsarii Arelat. fortè non sunt homilia, quadragesima, & tres sequentes, uti etiam ultima. Secunda etiam regula ejus esse non putatur.

S. Clementis Romani certò sunt duæ tantum epistolæ ad Corinthios.

S. Cypriani certò sunt libri 4. epistolarum, & rursùs libri seu tractatus de disciplina, & habitu Virginum, de lapsis, de unitate Ecclesiæ seu de simplicitate Prælatorum, de oratione Dominica, ad Demetrianum, de
Ido-

Idolorum vanitate , de immortalitate , de eleemosina , de bono Patientiæ , de zelo , & livore , de exhortatione Martyrii ad Fortunatum , ad Quintum contra Judæos libri tres , Sententiarum ex Concilio Carthaginensi de rebaptizandis hæreticis liber unus , ad Jubajanum de rebaptizandis Hæreticis , ad Pompejum contra epistolas Stephani Papæ.

S. Cyrilli Alexandrini non sunt libri sexdecim in Levit. nec quatuor libri intermedii ex duodecim in Joannem , nec fortasse liber adversus Judæos , Breves anagogæ , & liber de Sacrosancta Trinitate.

S. Epiphani sunt , quæ ei attribuuntur , nisi forte est aliquid additum ab Iconomachis ejus epistolæ ad Joannem Hierosolymitanum.

S. Eucherii non sunt commentarii in Genesim , & in libros Regum.

S. Gelasii Papæ non videtur esse liber de duabus Naturis contra Euthem.

S. Gre-

S. Gregorii Nazianzeni Metaphrasis , sive Translatio in Ecclesiastem eius non est , sed Gregorii Thaumat. nec ejus esse videtur Tragoedia , quæ inscribitur *Christus patiens.*

S. Gregorii Nysseni non sunt libri octo de philosophia , nec prolixa quædam oratio ei attributa à Magdeburgensibus.

S. Gregorii Thumaturgi opera certa hæc sola sunt , Panegyricum in Origenem , Brevis Fidei confessio habita ex revelatione S. Jo. Apostoli , Metaphrasis in Ecclesiastem , tres sermones de Annuntiat. B. Mariæ V. Sermo de Baptismo Christi . Epistola canonica.

S. Gregorii Turon. forte non est liber de septem Dormientibus.

S. Hieronymi opera indubitate sunt Novum Testamentum Græcum emendatum , & vetus translatum in idioma Latinum , epistolæ aliæ hor-tatoriæ , aliæ laudatoriæ , sive funebres , quæ sunt in primo tomo , aliæ polemicæ contra Helvidium , Jovianum,

G

num,

num, Vigilantium, Montanum, Pelagianos, &c. quæ habentur in 2. tomo, aliæ Divinæ Scripturæ expiatoriæ, quæ sunt in 3. tomo, Commentaria in omnes ferè Scripturæ libros, suntque in tom. 4. 5. & 6. Vitæ S. Pauli Eremitæ, S. Hilarionis, & S Malchi monachi, catalogus de Scriptoribus Eccl.

S. Hilarii Pictaviensis non sunt epistolæ ad August nec carmen in Genes, nec fortassè libri duo de Patris & Fili unitate, & de essentia Patris & Fili.

Hugonis de S. Victore an sint omnia, quæ ei attribuuntur, consule notas, quæ in ipsius operibus extant.

S. Ignatii Martyris epistolæ ab omnibus Catholicis receptæ sunt, ad Ephesios, ad Magnesianos, ad Trallianos, ad Romanos, ad Philadelphios ad Smirnæos, ad Policarpum.

S. Joannis Chrysostomi opera dubia, seu supposititia sunt, Homiliae aliquot in varios veteris Testamenti textus,

tus, nempe tres homiliæ in caput 2. Genes. tres aliæ in cap. 3. & nonnullæ aliæ à Sixto Sen. notatæ lib. 4. Bibliothecæ sanctæ, Commentaria, seu Homiliæ, seu sermones 14. in Marcum, opus imperfectum in Matthæum, divisum in 54. Homilias.

S. Joannis Damasceni fortè non sunt hæc duo, nempe Historia Barlaam, & oratio de his, qui in Fide dormierunt.

S. Isidori certò sunt liber de genere officiorum, liber præmiorum, liber de ortu, vel obitu Prophetarum, liber lamentationum, libri duo ad Florentiam fororem, liber de natura rerum, liber differentiarum, liber quæstionum, seu expositionis Sacramentorum, liber ethymologiarum. De reliquis libris, qui multi sunt, dubitat Bellarminus.

S. Justini Mart. certò sunt duplex oratio panegyrica ad gentes, Apologia pro Christianis duplex, Dialogus cum Triphone, de Monarchia Dei liber unus.

G 2

S.

S. Leonis I. Papæ non est liber de conflictu virtutum & vitiorum , nec fortassis epistola 88. quæ est de privilegio Chοrepiscoporum.

S. Maximi Mart. sunt, quæ ejus esse feruntur; aliqua tamen cautè legenda monet Bellarminus , quia sunt ab hæreticis in Latinam linguam translatæ.

S. Methodij libellus revelationum supposititius censetur.

S. Prosperi fortalsè non sunt tres libri de prædictionibus & promissionibus Dei, item tres libri de vita contemplativa , liber , seu poëma de Providentia Dei , libri duo de vocatione gentium, & epistola ad Demetriadem.

Richardi Victorini an sint libri quatuor exceptionum , dubitat Bellarminus.

D. Thomæ Aquinatis opuscula dubia sunt minori charactere excusa in editione Romana , anno 1570. His addi potest aliud de regimine Principum , juxta Bellarminum.

D. Ze-

D. Zenonis sermones aliqui creduntur esse S. Basili, aliqui S. Hilarii, alii veteribus Scriptoribus ignoti.

Jam verò , cùm in alicujus Patris sententiam incidis , quæ in rem tuam facere videatur , eam ne afferas , nisi sit ejus operis , quod eruditi inter certos prædicti Patris fœtus recensent , alioquin argumentum Theologicum non conficies , & ab eruditis rideberis , ut sacræ antiquitatis ignarus .

Ultimus Locus Theologicus , Ratio.

§2. **U**ltimus Locus , unde Theologus argumenta depromit , est Ratio , partim lumine Fidei , partim naturalibus scientiis illustrata . Is autem Locus uberrimus est ; Quamvis enim subiectum primarium , de quo Theologus speculativus agit , sit à Deo revelatum , & contentum in Scripturis & Patribus , multa tamen , imò pleraque circa tale subiectum disputat , de quibus Scriptura & Patres non ita expressè agunt , aut non ita

G 3

ex-

explicatè pro quæstione proposita. Exempli gratiâ , circa Incarnationem Verbi , quæ est materia principalis , de qua agit S. Thomas in 3. parte, multas quæstiones movent Theologi , nempe an necessarium fuerit Verbum incarnari , saltem condito mundo , vel faltem permisso Adæ peccato , veltandem supposito decreto, non reparandi genus humanum , nisi persolutâ condignâ satisfactione ? An hæc persolvi possit à pura creatura, saltem ornatâ habitu gratiæ ; An persoluta fuerit à Christo , & ad quos effectus ? an fuerit infinita ? Qualis fuerit Verbi Divini cum Natura humana unio, an distincta ab extremis , an substancialis ? an ipsa natura Verbi , an in sola ejus Persona , an facta in primo instanti , quo humana Christi natura concepta fuit ? Quid ex hac unione resultârit , quæ sanctitas , quæ gratia , quæ dona in prædicta natura , quæ libertas ? An plures naturæ creatæ assumi potuissent , an à pluribus Divinis Personis ?
aliam.

aliæque permultæ , quibus ferè non-nisi remotè, & per longos discursus respondetur ex scripturis & Patribus, proximè autem ex ratione, nempe ex conceptu libertatis , seu dominii Divini , creaturæ, peccati, meriti, demeriti , satisfactionis, justitiæ, unionis , naturæ personæ ; Quas quidem rationes & conceptus non habemus semper ex solis Scripturis & Patribus, sed, ut dicebam , ex nostri intellectûs, & naturalium disciplinarum lumine , quod quia non est in omnibus idem, illud efficit, ut neceadem sit Theologorum his super quæstionibus sententia , ut esset, si omnia possent ex Scripturis, vel traditionibus , vel Patribus dilucidè definiri.

Disc. At cur ista tractantur , quæ non continentur clare in Doctrina sacra , quæque à Patribus tractata haud ita fuere, nec possunt dilucidè & certò definiri? Quæ utilitas ex tot quæstionibus, disputationibus, contentiōnibusque?

Mag. Utilitas hæc saltem inde existit, ut præter laudabilem ingenii exercitationem habeatur in promptu, unde Novatorum errores expeditius, certiusque refellantur, ut ex iis, quæ mox circa tertiam Theologicam Facultatem dicam, comperies. Non debeo tamen omittere, quæ in secundæ hujus Theologiæ laudem habet S. August. lib. de Trin. *Eā*, inquit, S. Doct. *Fides saluberrima, quæ ad veram beatitudinem ducit, gignitur, nutritur, defenditur, roboratur.* Quā scientiā non polent Fideles plurimi, quamvis possent Fide plurimum. Aliud est enim scire tantummodo, qui l homo credere debeat propter adipiscendim vitam beatam, quæ non nisi æterna est; aliud autem scire, quemadmodum hoc ipsum & piis opituletur, & contra impios defendatur.



TY.